

# O SAL ÓN

XXI SALÓN INTERNACIONAL  
DO LIBRO INFANTIL E XUVENIL  
DE PONTEVEDRA

## O HUMOR

**III PREMIO  
INTERNACIONAL  
DE ILUSTRACIÓN**

## III PREMIO DE ILUSTRACIÓN:

**Convocado polo Concello de Pontevedra en colaboración con GÁLIX (Asociación Galega do Libro Infantil e Xuvenil)**

A finalidade deste certame é escoller a ilustración do cartel da XXI edición do Salón do Libro Infantil e Xuvenil de Pontevedra, que se celebrará entre o 06 e o 27 de marzo de 2020 e que terá como país convidado: ITALIA.

### Bases de participación

Este concurso está dirixido a ilustradores e ilustradoras de todos os países.

#### Requisitos de participación:

- Que o ou a participante sexa maior de idade
- Que a ilustración presentada sexa inédita e non publicada previamente nin difundida en redes sociais no momento da participación do certame.
- As persoas participantes poderán concorrer cun máximo de dúas obras, que deberán enviar de maneira separada.
- A técnica empregada para a ilustración é libre pero o envío da mesma farase **EXCLUSIVAMENTE** en formato dixital a través da web: [www.salondolibro.gal/ilustra](http://www.salondolibro.gal/ilustra)

### Tema da ilustración:

A ilustración seleccionada será a imaxe do cartel da edición de 2020 do Salón.

A ilustración do cartel deberá representar o tema protagonista da XXI edición do Salón: **O HUMOR**, deixando á libre interpretación do tema aos participantes.

### ASPECTOS TÉCNICOS E ENVÍO DA OBRA

O tamaño final do cartel será de 40x60cm (con 3mm de sangrado por cada lado), e as ilustracións concorrentes deberán adaptarse e incluír o deseño da plantilla dispoñible na web, cuxos elementos de deseño son **INAMOVIBLES** (caixa negra, texto, dimensións..) e

NON se poderán modificar, mover, tapar, cubrir parcialmente, cambiar de cor ou retocar...).

A **resolución final da ilustración gañadora e finalistas** deberá ter as especificacións técnicas seguintes:

Tamaño do arquivo: 40x60cm (con 3mm de sangrado por cada lado),

Formato: TIFF

Resolución: 600 ppp

Modelo de cor: CMYK

O envío de **TODAS AS OBRAS para a valoración do xurado** deberá ter as seguintes características:

Tamaño do arquivo: 40x60cm (con 3mm de sangrado por cada lado)

Formato: JPG

Resolución: 150 ppp

Modelo de cor: RGB

(Se existe algún problema durante o proceso de envío, o mail de contacto é:  
**salondolibro@pontevedra.eu**)

## Envío de fotografía e C.V. das persoas participantes

As persoas participantes deberán entregar, coa súa proposta de ilustración, unha breve biografía (máximo 120 palabras) en GALEGO ou ESPAÑOL ou INGLÉS e unha fotografía súa (branco e negro, formato JPG, medida 4x4 cm.)

## Data de entrega, fallo e premio

A recepción de propostas comezará o día 5 de setembro de 2019 as 12,00 h. e pecharase o día **14 de outubro de 2019** (ás 23,59 h hora local de Pontevedra).

Un xurado formado por especialistas do ámbito da ilustración, literatura infantil e xuvenil, e deseño gráfico e da comunicación visual escollerán unha única proposta gañadora e 12

ilustracións finalistas.

Os resultados da deliveración do xurado publicaranse nas webs [www.pontevedra.eu](http://www.pontevedra.eu) e [www.salondolibro.gal](http://www.salondolibro.gal), así como nas redes sociais das dúas entidades e de GÁLIX. Os creadores seleccionados como gañador ou finalistas serán contactados vía email pola organización do certame.

A **ILUSTRACIÓN GAÑADORA** será premiada con **3.000€ brutos** (\*), que abonará o Concello de Pontevedra a través do Organismo Autónomo Pazo da Cultura S.A.

As ilustracións finalistas formarán parte dunha mostra que se exhibirá no Salón do Libro Infantil e Xuvenil de Pontevedra, no Pazo da Cultura da cidade, do 6 ao 27 de marzo de 2020. Ademais, tanto a imaxe gañadora, como as finalistas, formarán parte dun catálogo impreso, en formato de calendario de 2020, onde figurará a foto, o nome, a web e o CV do autor ou autora.

## IMAXE GAÑADORA E SELECCIONADAS

O ilustradores e ilustradoras da obra gañadora e finalistas serán contactados pola organización do Salón do Libro para enviaren en formato dixital as imaxes en alta resolución, coas especificacións referidas anteriormente, a través dun sistema de envío de arquivos dixitais (Wetransfer ou similar).

Tamaño do arquivo: 40x60cm (con 3mm de sangrado por cada lado),

Formato: TIFF

Resolución: 600 ppp

Modelo de cor: CMYK

## EXPOSICIÓN DE ILUSTRACIÓNS GAÑADORA E FINALISTAS

Para a exposición, a organización do Salón do Libro contactará cos ilustradores e ilustradoras seleccionadas para solicitar o envío de ilustracións orixinais por servizo de courier (a cargo da organización), cando estean realizadas en soporte papel ou volumétrico. Unha vez rematado o certame, as ilustracións finalistas serán devoltas, por servizo de correo certificado ou courier a cargo do Salón do Libro.

## Adquisición da propiedade

A obra premiada pasará a ser propiedade do Concello de Pontevedra. A dotación económica do premio inclúe a contraprestación que, como cantidade alzada, procedería a satisfacer ao autor ou autora da ilustración. A adquisición da exclusiva propiedade da obra premiada inclúe así mesmo calquera dos dereitos de explotación, distribución, exhibición, divulgación, reprodución, transformación, comunicación pública, etc., e, en xeral calquera dos dereitos legalmente transmisibles, que poderán ser exercitados polo Concello de Pontevedra na forma en que teña por convinte e sen limitación temporal ou territorial algunha.

## Reprodución das imaxes finalistas

Os autores e autoras das imaxes finalistas autorizan unicamente a reprodución das súas ilustracións na web e no programa do Salón, na exposición de carteis durante a celebración do evento e no catálogo impreso en forma de calendario dese ano. Calquera outro uso das súas ilustracións, será consultado e negociado directamente cos creadores e creadoras das mesmas.

A autoría das ilustracións, gañadora e finalistas estarán debidamente acreditada no propio cartel e cando se utilice a ilustración en calquera outro contexto e uso.

## Aceptación

A participación neste premio implica a aceptación incondicional das súas regras, así como o recoñecemento da decisión final do xurado como irrevogable.

## \*Fiscalidade do premio:

- Serán por conta da persoa premiada todos os impostos que graven a percepción dos premios,
- De conformidade coa vixente lexislación española, o premio obxecto deste Concurso estará, suxeito a retención do IRPF, que será asumido pola persoa gañadora.
- As demais repercusións fiscais que a obtención do premio teña na fiscalidade da persoa premiada, será por conta desta, polo que o Concello de Pontevedra queda exonerado de calquera responsabilidade ao respecto.
- Os pagamentos realizaranse contra factura ou documento fiscalmente recoñecido en calquera dos tres idiomas seguintes: galego, castelán ou inglés.